

Rep 38311-4-5

BERNARD LAVERGNE


Ancien Représentant du peuple

AS PAYSANS

Lou Réconsomémen des tsabals
Lous Homés dé la Réserbo
Cal un Gubernomémen



ALBI
IMPRIMERIE NOUGUIÈS
—
1875



AS PAYSANS

LOU RÉCENSOMÉN DÉS TSABALS LOUS HOMÉS DÉ LA RÉSERBO CAL UN GOUBERNOMÉN

Y'a un parél dé semmanos qué Mattiou, d'Artès, ressapiait uno lettro dé sou fraïré dé la mountagno. Bous baou diré cé qué pourtabo. La récoupii pun per pun :

« Mon cher frère,

« Je t'écris pour te donner de nos nouvelles, que nous allons très-bien, mais que nous sommes fort chagrinés et je souhaite que la présente vous trouve de même. Mon cher frère, tu sauras que toute la montagne est fort rembaillée, qu'on nous a fait mener tous les chevaux à la commune et même les mulets et les ânes, et qu'on les a écrits, des officiers, sur un carnet,

et qu'on en a dit le prix, et le prix en est bon, mais qu'il y a en a qui disent qu'on ne les paiera pas et qu'on les prendra pour la guerre.

« Mon cher frère, je te dirai aussi que toute la montagne est fort alarmée parce qu'il y en a qui parlent que nous aurons la guerre dans un mois. Et que les gendarmes ils vont trouver les hommes de la réserve pour qu'ils fassent leur paquet et la chose est certaine, car le brigadier est venu à la maison avertir l'ainé, Louisot, que quand on l'appellerait il eût à se rendre à Carcassonne au 34^e de ligne. Dont tu vois que ça n'est pas des bêtises. Depuis ce moment la femme de Louisot ne fait rien que pleurer et elle a donné une méchante têtée à la petite qu'il lui en est sorti du feu par tout le visage. Mon cher frère, je t'écris pour que tu me dises si on fait de même à Arthés pour les bêtes et pour les hommes.

« Demande à M. Marcel si cela est vrai que nous avons la guerre dans un mois, et si on nous prendra les bêtes sans payer. Ici on en dit tant qu'on ne sait à qui entendre. Il y a le domestique du maire qui dit que tant que l'empereur ne reviendra pas nous serons malheureux. Notre voisin qui va veiller tous les soirs chez M. le curé dit que tant que nous n'aurons pas Henri V, ça ira mal. Ils s'entendent pour dire que la République ne vaut rien, mais pour décider ce qu'il faut, ils ne s'entendent pas du tout. A moi ça m'est égal quoi qui vienne, mais je dis qu'il nous faut un gouvernement et on dit que nous n'en avons aucun. Demande des explications à M. Marcel et fais-moi de suite réponse.

« Plus rien à te dire pour le moment. Nous fesons bien des compliments à la belle-sœur, à Céleste et à ta femme, à M. Marcel et à tous

ceux qui demanderont de mes nouvelles.

« Ton frère,

« PIERRE. »

Si tôt qu'atsait letsit aquêlo lettro, Mattiou la faguait bésé à moussu Marcel et mandait aquesto respounso à Pierrou :

« Mon cher frère,

« Ce que M. Marcel a à te dire est trop long pour le mettre dans une lettre. Viens passer les derniers de carnaval à Arthès et M. Marcel te donnera toutes les explications. En attendant, il me charge de te dire de te rassurer, que nous n'aurons pas la guerre et qu'avant un mois nous aurons un bon gouvernement. Arrivez avec Louisot. J'espère que ce ne sera rien de la petite

« Bien des compliments de notre part.

« *Ton bon frère,*

« MATHIEU. »

L'amic Pierrou, qué sounco pogué pas, bouto pas dabant uno riboto, en letsiguen la lettro dé Mattiou allounguait lous pots et baylait uno miffado coumo sé sentissio détsa la cousino d'Arthès. Mais cé qué l'embarrassabo èro dé coumberti sa fenno à yé laïssa fa lou bouyatsé.

Et, dé fait, si tôt qué y'en lébait la lengo, la bourtséso pourtait las dos mas sur las coffos en criden : « Ahi ! sien perduts ! Sé yé bas, nè tournos pas aquesté cop. Té soubénés pas dins cun estat èros, malhurous ? Qué digus té récouneyssio pas aici ? — Anen, anen ! té fatsés pas, Jeannétoun, respoundait Pierrou, la mino fort basso. Abio bégut un cop, es bertat ; mais.... — Béouré ray ! réprenguait

la fenno ! Mais aquélos missantos idéos qué né rapourtéros, sou diguait la Jeannetto. — Calo, calo ! Sabés bé qué y pensî pas pus. Aco's aquel diaplés dé Mattiou ammé sa Républico qué m'abio un bricounel enfusquat ; mais m'a passat. — Oh ! bay !. . . — Si, ba podés creyré, m'a passat, amay té respoundi dé y tourna pas. Anen, Jeannétoun, rapport al Louisot, sabés ? Lou cal enpatsa dé parti. Y'a aquel moussu Marcel. — Crésés, y diguait la Jeannetto, qué lou né pot tira ? — Ba crési bé ! fa tout cé qué bol, aquel homé.

Sabio bé prou qué lou né tirario pas, aquel couqui de Pierrou, mais ba disio aital per décida la fenno. Et, dé fait, la Jeannetto y counsentiait : « Anen ! t'embrieygués pas, diguait à soun homé quand partissiau, ammé Louisot, lou lendéma. Mais digos, Pierrou ? — Dé qué y'a ? — S'en né traguen lou fil, aquel brabé moussu né poudio tabé trayré la cabalo ? — Oh ! as rasou ! ba yé diray. » Et sans né demanda maît, maistré Pierrou et sou fil Louisot se mettéroun en routo per Arthés.

Lou lendéma al ser, qu'éro lou dimentsé de carnabal, bous respoundi qué y'abio, aco dé Mattiou, uno brabo taoulado dé bouns coumpagnous, à l'entour d'un piot roustit, rous coumo l'or, qué fasio saliba d'al bésé.

N'éro pas soul, lè piot ; abio countr'el, per lè garda dé languî, un brabé capou farcit à las oulibos, uno dobo dé bioou, un fricandèou dé budel à las carrottos, uno croustado festounado et naouto, paour'èfan ! qu'abio la formo dé l'abescat d'Albi al dessus dal poun. San parla dé mietso descado d'aoureilléto qué Pierrou couménçait d'attaqua al darnié cuilleyrat dé soupo. Et riscaboun pas dé mourî dé set, lés counbibos, qu'à cado bout dé taoulo yé t'abio un foutral dé

cantino qué ténio sieys litros per lou mens. Per exemplé, abion douplidat la garaffo.

Aqui sé troubaboun Mathiou, sa fénno, la Mariéto, your fillo, qué, tout en mantsén fasio téta un poupart de quatrè mésés, gras coumo un mélou, poulit coumo un soout; moussu Marcel, Célesto, lou tsendré, Pierrou et Louisot et quasqués bésis : éroun bé uno douxaino.

Lé prumié moumén dal répaïs fougait fort siaout; s'entendio pas qué lé bruts dé las fourquétos; mais sé cadun abio pourtat d'esquilous a la barbo, aourion aousit un famus tsaribari. Pierrou surtout y fasio! Mais cal saoupré qué quand un mountagnol débrido, y fa : « Baylo dé bi, Célesto, cridait à soun nébout, qué mé souy escaoudat la lengo en mantsen la soupo! »

Quant atsait bégut sé métaït à diré : « Ah ça! per bésé, Moussu Marcel, las nous prendroou, las cabalos?

M. Marcel. — N'atsés pas pouu d'aco.

Pierrou. — Qué diaplés, douncos ménou tout aquel trimatsé? Lous ouu appélats, aïci tabé, lous tsabals?

Mathiou. — O, amay las mulos Sabés qué m'an estimados las méounos? Dous cént binto-cinq pistolos.

Pierrou. — Trrré! sé truffou pas dé l'on. Oh! ray : la cabalo, tabé, l'a moou pla pourtado à sa balou.

Célestin. — Tant, moun ounclé?

Pierrou. — Trénto loud'ors

Célestin. — Biéttasé! y'our poudès bayla la poulino sul mercat.

Pierrou. — Qué bos diré? la poulino, m'ouu dits qué la mé pourtarion, l'an qué bé, dosonouu cént francs.

Célestin. — Baylas bo your tout, cabalo et poulino : cé perdès aqui perdrés pertout.

Pierrou. — Obbé sé mé pagou; mais qu'a-préandi qué prendroou las bestios et gardarouou l'artsen : aytal b'aouroou tout, lous bougrés !

M. Marcel. — Oh ! nou, nou, Pierro ! Cal pas parla aytal : sé lé goubernomén té prénio tous tsabals, lous té pagario al prêts pourtat sul libré.

Pierrou. — Ba crèsès, Moussu Marcel.

Jambès, un bési. — Diaplès té siègo ! mé poudrian bé préné l'azé à cinquante escuts coumo lou mé météroun, qué né podi pas tira ni pel ni bourro ! aquel fol d'animal, entré qué sé sentis uno cargo dessus reguinno commo lou miloun.

Célestin. — Lou y té caillo laïssa al goubernomen quand l'enretsistraboun.

Jambès. — Ba yé prépaouséri bé al capitayné, mais qu'atsait un aire de se foutré de yeou.

M. Marcel. — Nous prendran pas rés à digus, ni tsabals, ni mulos, ni bourricos, soués tranquillés, per la rasou qué n'aouren pas la guerro.

Pierrou. — Praco cal bé qué quicon aménacé qué fagou tout aquel trabal ?

M. Marcel. — Noun pas, ba poudés creyré, ré n'aménaço pas.

Pierrou. — Al diaplès, cépendant, trasi mal.... Et lous homés dé la réserbo qu'abertissou per-tout !..... Ba-s-ouou bé fats aici tabés ?

Mattiou. — Oui, oui.

Pierrou. — Bésés bé !

M. Marcel. — Probo pas maït l'un que l'aou-tré et sé mé boulés escouta un moumen, ba comprendrés tant pla coumo yeou.

Mattiou. — Anen, Pierrou, bas abé aici la respounso à ta létro ; escouten moussu Marcel.

Pierrou. — Sé bébien un cop abant?...

Célestin. — Aco's pla parlat, moun ounclé ! Et penden que Célesto y remplissio lé gou-pélet, sa bèlo-sur y remplissio la siéto, de

faïcou qué tout lé tens que moussu Marcel parlait, maistré Pierrou perdait pas un cop de den.

M. Marcel. — Sé boun soubénès, quand atseren la guerro, en 1870, n'abien pas rès dé prest : ni homés, ni tsabals.

Toutés sé météroun à fa : es pla bertat !

M. Marcel. — Dé qué n'arribait ? Qué calgait trouba tout aco dé suite, qué tout sé faguait à la galoupado et sé faguait mal, percéqué las caousos qué se fan trop pressadomen sé podoun pas pla fa : siès pas d'aquel abist, Pierrou ?

Oh ! si fait, moussu Marcel, respondait Pierrou en pessuguen uno aourelletto.

M. Marcel. — N'es pas lé tout de fa mal quand on es pressats ; mais qué, per tant qu'on buté, y cal de tens. Sé perdait bé dos ou très sémanós, en 1870, rès qué per recouneyssé lous tsabals qué pouidian serbi per la guerro et lous endretsés out sé troubarian. Et d'aquel téns, lés Prus-siens s'abansaboun ! Dins très sémanos, l'enné-mic fa fosse cami. Très semmanos perdudos — qué disi ? Une semmano perdudo pot perdré tout un pays.

— Oui, oui, dé ségur !

M. Marcel. — Hé hé ! nous boulen pas pus espaousa an aco, boulen estré prestés à tout ébénomen. Sé la guerro nous tourno toumba dessus, boulen pas pus perdré très semmanos à serca ount soun lous tsabals et lous homés. Ba boulen saoupré tout à l'abanso, dé maniéro qué sé nous bénoun attaquá, lé goubernomen n'atsé pas qu'un sinné à fa, pas qu'un ordré à douna per que tout siogo débout et prest à se défendré. Troubas aco mal entendut, Pierrou ?

Pierrou. — Nanni, Moussu Marcel. Tout aco

ba fort pla, pourvu qué siogo aïtal et qué ba digou tout ; mais qué, béléou...

M. Marcel. — Nanni, Pierrou, ba poudès creyré. Lou goubernomen penso pas à fa la guerro. Coussi boulés qué y pensé? Sien pas prestés encaro : nous caldra dé tens per abé réparat lou mal qué nous an fats lous prussiens. Lou goubernomen penso pas qu'à nous para.

Louisot. — Moun payré, sabès bé qué mé récoumandas toutoun, lou ser, quant anan al léit et qué tampi lous estaplés, dé layssa lou fusil al cabés et la daillo à pourtado dé la ma, en cas qué lous boulurs arribou.

Pierrou. — Opp'aco, amay, crési pas dé mé troumpa en ba té récoumanden.

Louisot. — Hé bé, mais, bol pas diré qué lous boulurs débou béni? Ni may aco lous fa pas béni?

Pierrou. — Pas béléou, al countrari : aco lous ten len, sé ba sabou, et ba débou bé prou saoupré, lous filous !...

Louisot. — Hé bé ! es cé mèmés aici : sé lous prussiens bésou qué sien gardats, l'asé fouto s'aco lous engatso à nous béni hésita.

M. Marcel. — As parfaitomen rasou, Louisot, maït séren forts, maït séren prestés à fa la guerro, et mens riscaren dé l'abé. Pierrou, abès aqui un goutsatot qué n'es pas nigaout : boun faou moun coumplimen.

Pierrou. — N'es pas un estourdit, Moussu Marcel. Mais lou paaouré bougré lou mé boloun tourna métré dins l'armado, — et es certain ! qué, l'aoutré tsoun, un diaplés dé tsandarmo yé benguaït annonça qué çaillo sé randré al 31^e dé ligno, à Carcassouno, — bésés qué, Diou mé daouré ! acos esplicat en rèclo, et qué mé fout, amay an el...

Louisot. — Yéou !... tant pla déma, sé cal parti....

Marietto. — Moun ounclé, couméensas dé ré-néga ! garo la mounino !

Pierrou. — La mounino, Marietto ? Encaro es mati. Baylo m'un bricou de croustado.

Marietto y serbiguait un tros dé croustado qu'en toumben dins la sièto manquait la y fa escapa dé las mas. Y en abio per lou mens dos liouros : « Diaplés ! soudiguait Pierrou, né faren trop ; » mais gardait tout dé mèmés la croustado.

M. Marcel. — Cè qu'an fait pes tsabals, ba fan pès homés. Sé cal dé tsabals per fa la guerrou, à pus forto rason cal d'homés : pas bertat ?

Pierrou. — Opp'aco.

M. Marcel. — Hé bé ! aro qué lou gouber-nomen sap ount soun lés tsabals, bol qué les homés siogoun prébenguts ount caldrio qué sé rendessoun sé la guerrou nous toumbabo déssus. A cadun yé disoun soun rétsimen et la bilo ount lou rétsimen sé trobo. Aco's per aco, Louisot, qué t'an dits à tu : séras dal 31^e dé ligno et té rendras à Carcassouno.

Célestin. — Et yéou al 3^e hussards, à Paris.

Jambés. — Et moun fil al 1^{er} chassurs d'Afri-quo, à Oran.

M. Marcel. — D'aquélo manière, sé bénoun à nous attaquá, sien prestés dins un birat dé ma.

Célestin. — Pardi ! aco sé coumpren.

Pierrou. — Douncos, moussu Marcel, pensas pas qu'aquélés abertissomens qué portou lous tsandarmos dins las campagnos siogou per fa parti lous homés aro ?

M. Marcel. — Encaro un cop, bous respondi, Pierrou, qué nani. Mais es qué, per hasart, lés tsandarmos s'amusarioou à troumpa lés paysans et your fa pouou ?

Pierrou. — Podi pas diré aco, al countrari, parlou coumo bous, moussu Marcel, quand parlou ; mais qué parlou pas gayré, lous bou-

grés... et quand parlou pas, las fennos qué rëssabou lous billets s'imatsinou qué bënou querré lous éfans, s'atroupélou, plouron, sé mounton lou cap entr'élos et lou diablés es à las bacos.

Mathiou. — Ah! permofé! las cal layssa crida. Quand aouran prou faït s'acalarooou.

Pierrou. — Boun! mais, en attenden, yé fa pas bou à l'entour.

Mathiou. — Aro qué sabés qué n'aouren pas la guerro, your expliquaras qué n'an pas à s'inquiéta.

Pierrou. — Amay qué m'escoutarooou, té fiqué! Quand las fennos se caprissou à quicon, tant baldrio ensatsa dé counberti las téounos mulos.

Mathiou. — Las meounos mulos? Sacrablu! y'as pas enloc dé bestial pus oubéissent. Né faou cé qué boli. Las té farey bira del coustat qué bouldras à la paraoulo.

Pierrou. — Hé bé! las fennos d'ensamoun, quand on your dis dé bira à dretso birou à gaoutso.

M. Marcel. — Praco quand, dins un oustal, l'homé parlo, mé semblo qué déourio estré escoutat.

Pierrou. — Amay'a yeou; mais...

Célestin. — Mais qué calcun passo per darrè, pas bertat, moun ounclé?

Pierrou. — Ba té sabi! toutsoun sou pas dé boun counberti, ba t'aproumétti. Sabés éé qué disou à perpaous d'aquélo guerro?

Célestin. — Cuno guerro?

Pierrou. — La qu'anan abé sou disou élos?

Célestin. — Et déqué?

Pierrou. — Qu'aco's la répuplico qué nés la caouso et qué tant qu'aouren la répupliquo aouren dé guerros.

Mathiou. — Bay té fa sécoutré! aquélo paouro

républico cal qué ba yé biroun tout déssus.

Jambés. — Obbé ! dé sigur ! cal qu'atsé dé bounés réns per pourta, sans lous sé coupa, tout cé qué y'an cargat su l'esquino. La mitat d'al pès aourio amourrat toutes lés reysés ou empéreur.

M. Marcel. — Es parfaitomen bertat, ce qué disés aqui, Jambés. Mais, digas Pierrou, cuno rasou dounoun las fennos dé la mountagno per sousténé qué la Républico nous ménara la guerro ?

Pierrou. — Pas cap.

Célestin. — Atal riscoun pas dé sé troumpa.

Pierrou. — Ba té sabou soulomen ço qué disou ! B'entendou et ba répétou. Yé coumprénou pas rés. Qué boulès qué yé coumprengou las fennos an'aco ?

Célestin. — Et lous homés : Pas gayré maît ?

Pierrou. — Es b'un paou ço mèmés.

Jambés. — Diaplés ! déou pas estré facillé dé bous rasouna dins la mountagno.

M. Marcel. — Ta facillé sério dins la mountagno coumo dins la plano. S'atsirio qué lous qué saboun las caousos las espliquessoun as qué las saboun pas. Mais digus your dis pas rés, boulès qué débinoun ?

Louisot. — Anas, moussu Marcel, y'a maît qu'aco. Basté qué nous enfusquessou pas : saourien pas rés, mais aco baldrio mayt qué dé creyré ço qué n'és pas bertat ; mais, bo bous disi, nous débitou touto sorto dé messourgos.

M. Marcel. — Aqui lou malhur. Soum las messourgos qué fan courré qué bous perdoun dins las campagnos. Coumprénés bé qu'aquesto és dé las pu grossos qué bous pogoun fa passa. Coussi ! bous gaousoun diré qué la Républico nous sercara dé guerros ? Mais es tout lou countrari ! Aco soum lous reysés ou lous empérurs qué sercoun las guerros per trapa un boussi maît dé pays. Cal nous a près l'Alsaço et la Lorraino ?

Es lou rey dé Prusso. Sé la Prusso èro estado en Répuplico, tsamay nous aourio pas prés un pan dé terro. Lous reysés sé brouilloun entr'élés et pey fan battré your sutsêts. Hé bé ! ténès, Pierrou : dé bint guerros qué sé fan, y'en abès dozonouu et miets qué bènoun dal caprici das reysés.

Louisot. — Alaro s'abien pas dé reysés, es pla certain qu'aourien pas soubén dé guerros.

M. Marcel. — Tant bal-diré tsamay ! D'abord qué sercarien pas digus.

Pierrou. — Mais béléou nous sercarioou, nous aoutrés ?

M. Marcel. — Per qué fa ? Sabès bé, Pierrou, qué lou miliou mouyen d'abé pas disputo ammé digus es dé démoura dins soun oustal, dé s'oucupa rés qué dé sous affas et tsamay das affas das aoutrés ?

Pierrou. — Aco's sans part, moussu Marcel, démandas à Louisot sé y prétsi pas toutsoun aquel sermou.

M. Marcel. — Hé ! bé ! cè qu'es bertat d'un homé dis sa maisou es égaloment bertat dé la républico dins un pays. La République sé bol pas oucupa qué das' affas dé la Franso ; qué lé coumercé ané, qué tout lé trabal martsé, et qué toutès cultibatous, artisans, oubriès ou maistrés pougan tsoui dal fruit dé nostré trabal en pats et en touto sécuritat.

Toutés. — Hé hé ! hé hé ! qué boulés dé mayt ?

M. Marcel. — Cun goubernomen pensoun qué nous caldrio, lous Mountagnols, per ébita la guerro ? Henri V ?

Pierrou. — Oh ! non pas, non pas ! Pas aquel... y en a qué disou qué béléou... l'empérur...

Célestin. — Ah ! lous foutudés azés !

M. Marcel. — L'empérur !... l'empérur per n'abé pas dé guerros ! Mais, malhurousés qué

siès, es lou moyen percisomen dé n'abé sans fi.

Pierrou. — Trrré ! Nous troumparien dé camé, douncos ?

Mathiou. — Al sigur ! Per ébita dé bous néga, galoupas drets à la rébieyro.

M. Marcel. — Coussi ! Comprénès pas qué sé lou fil de l'empérur tournabo, sé qu'aourio dé pus pressat sério dé boulé préné sus Prussiens la rébentso dé soun payré ?

Louisot. — Sério un capou^{sé} sé ba fasio pas

Jambés. — Et toutes les aoutrés reysés lé des-cridarian.

M. Marcel. — Mais qué la Prusso espérario pas aco et coumensario, élo, de nous toumba dessus aban qu'atsèssen restaplit nostro armado per yé téné cop. Et sien pas prestés encaro, coumo ba bous disio. Dé sorto qué sé rappélaben aro lou fil dé l'empérur aco's coumo sé cridabén as Prussiens dé tourna.

Pierrou. — Bariscos ! Layssen-lous al diaplés ount sou !

M. Marcel. — Boun ! mais y'a pas mouyen qué yé demoroun sé rappélas lé fil dé l'empérur. Et soubènés-bous qué sé n'abés pas abut lou plasé dé lous bésé en 1870, aqesté cop yé réussirés ; bendran à la mountagno, lés Prussiens, bendran à Albi. Et bous démandaran pas tant boulés dé la cabalo, aban dé la bous préné. Ni mayt dé las bacos ; lous souldats las bous mantsaran et quand bous aouran curat l'oustal, yé mettran lé fioc per sé déberti. Rappélas, rappélas l'empérur, paysans dé la mountagno : lés Prussiens bous gueytoun et bous faran pàs langué...

Y'abio un moumen qué Pierrou mantsabo pas, agatsabo moussu Marcel, lous els et la gortso douberto coumo un homé qu'appren dé caousos qué s'y attendio pas. Lous aoutrés l'es-

piaboun el, et toutès demourèroun dos ou très minutos sans parla. A la fi Pierrou sé mélaît à diré : « moussu Marcel fa mal estré dé foutudos bestios ! »

M. Marcel. — Moun intentiou, Pierrou, n'es pas dé bous diré dé soutisos, et lous réprotsès qué bous fouu s'adressoun pas à bous; s'adressoun an aquélés couquis qué bous trounpoun et qué bous troumpoun bousaous, dins your intérés dé canaillo héritaplo qué soun.

Louisot. — Pardi ! aco's bé cé qué disi. Naoutrés sabèn pas rés.

M. Marcel. — Sabès pas rés et sé serbissou dé bostro ignourenso per bous fa travailla bous-mêmes countro bostrés intéréssés.

Louisot. — Aco's aqui cé qué y'a dé pus scélérat.

Célestin. — O, dé scélérats, bas pla dits coumo és. Badinos ? engusa lou moundé d'aquélo faïçou ? your diré : Sé té bos salba fay aco ! et se trobo qu'en ba faguen on sé met la cordo al col !

Pierrou. — Diou m'aperdouné, saquéla, mé fa mantsa las bacos !... Et pey béni mé diré qué l'emperur ten pés paysans.

Célestin. — Tén per el, té fouto ! Et las canaillos qué buttoun lés paysans à l'empérur travailloun à tourna trapa las plassos et l'artsén qu'an perdut.

Jambés. — Eroun aqui un troupel dé feignants, dé couquis, dé gourmans, dé gusés qu'enloc s'èro pas bist ré dé parel.

M. Marcel. — Aco's per aco qué réculoun pas daban cap dé messourgo per troumpa lé poplé et yé rappéla l'empérur.

Pierrou. — Ah ! sacarramatiou ! qué countou pas subré yeou per your atsuda. Mais qué diaplés fasèn ? Bében pas.

Las dos bouteillos sé lèbèroun en l'airé et toutés lés goubélets sé rempliguèroun.

Mathiou. — Coussi lé trobos aquel binot, Pierrou ?

Pierrou. — Es finot. Es pas das pu forts, mais es finot..... et a uno poulido coulou.

Penden qué Pierrou, per espia lé bi, ténio soun beyré entré l'el et la candèlo, sa bello-sur, betsen qu'abio curat lou plat dè las aoureilléto, yen métaït un dé plé à la plasso. Maistré Pierrou, per fa semblan dé bésé pas lé cop, cluait l'el dal coustat dé Marièto.

Pierrou. — L'asé fouto, Moussu Marcel..... (Marièto souspirait et diait tout siaout : « Jésu ! ») siès un parfait brab'homé. M'abès doubert l'estoumac....

Célestin. — Tant miou, moun ounclé ! Y'aura mayt dé plasso pel piot.

Pierrou. — Bos farça, Célesto ? Yeou farci pas. Quand soun partiit d'ensamoun n'èren pas en nossos. Tant dounario qué la Jeannetoun sougaisso aici et qu'atsesso entendut Moussu Marcel. Né dourmissio pas, la neyt, dal désplasé d'al fil.

Marièto. — Paouro fenno !

Pierrou. — Aco's égal, déourioou pas layssa courré aquélés brutés. Déourioou pas layssa diré qué cal tourna ména l'empérur.

M. Marcel. — Abès pla rasou.

Louisot. — Boun, Moussu Marcel ; mais yen a d'aotrés qué disou qué cal tourna ména lou rey.

Jambés. — Hé pardi ! amay digus lous empatso pas. Tant dé drets an lous uns coumo lous acutrés.

Pierrou. — Ahi ! tant dé rambal ; yeou lous fario cala toutés.

Célestin. — Coussi bous y prendriès moun ounclé ?

Pierrou. — En prisou toutés lous blagurs, diou mé daouré ! (Marièto tournait souspira.)

Célestin. — Et lous qué ténou per la Républico ?...

Pierrou. — Pas béléou ! aquélés sou dé ré-guliès !

Célestin. — Arum'aco sé mettoun calcun en prisou, caoussissou mayt qué mayt lous républicains.

Pierrou. — Obbé ! alaro y'entendi pas ré pus.

Jambès. — Qué yé boulès entendré ? Sien en républico ? Y sien pas ? Cal ba sap ? Digus nou ba pot diré.

Pierrou. — Y en a ensamoun, qué prétendou qué sien en *centénat*.

Célestin. — Un centénat ?

Jambès. — Un centénat dé qué ? Un centénat d'innoucents ?

Pierrou. — O, d'innoucents, dé nicous, dé farromouscos : mé foutès aro, layssen aco al diaplès et baylo dé piot.

Mathiou. — Tè, Pierrounel, aqui un bouci d'alo... qu'un plasé nous fas dé nous béni bésé !... espéro ! un bricou dé tsus.

Pierrou. — N'aourios pas quelque grel dé sébo ?

Mathiou. — Manco pas ; mais tè fara péri lou piot.

Pierrou. — Laysso mé fa ! aco relèbo.

Et sou diguen, sé métaït à coupa ménut lous grels dins lé tsus et attaqua lé piot coumo lé prumié plat, en your diguen : raïllas aro, bous aoutrés. En mé faguen toutsoun parla mé fasiès tort.... Tu, Célesto, mé layssés pas engargassa.

Célestin. — Diou m'en gardé ! à bostro santat.

M. Marcel. — Louisot ! dé qué disoun lous paysans dé la mountagno dé tout aquel parlomen dé reysés, d'empérurs, dé républico ?

Louisot. — Ténès, Moussu Marcel, yé comprénen pas mayt qué Jambès : toutes sien enbahits ; digus nou sap s'aben un goubernomen ou sé n'aben pas.

Jambés. — Ni may aici ba saben pas. Lous qué nous déourion fixa disoun pas rés. Ba démandèri an un mairo, à la fieyro d'Albi, sé métaït à rire; aqui tout cé qué né pouguéri tira.

Louisot. — Et lou nostré — es bé pu fort! — Un tsoun, à la communo, l'entendèri qué parlabo amm'un moussu qué disio qué d'abord qu'abien la Républico, la caïllo garda : qué boulès diré, sé métaït à fa lou mairo en lêben lous brassés sul cap, la Républico, malhurous! Dious noun santéprésèrbé! sé la trasoupas sien toutés perduts. — P'raço, yé tournait diré aquel moussu, lous qué goubèrnarioou à Paris sou bé dé brabé moundé, — mais qué la gardarioou pas, sou digait lou mairo; abant très mèsés, Gambetta la your prendrio. — Risco pas rés, respoundait lou moussu. Et d'ailleurs, quand mémés? Qué fario Gambetta! Nous abalarïo pas en trabès sans qué noun maynessen. Mayt baldrio Gambetta qué n'abeyré pas rés.

Toutés. — Obbé, dé sigur! Pot pas dura coum'aco : cal un goubèrnomen.

Célestin. — Per cal ten toun mairo?

Louisot. — Per Henri V, pardi!

Célestin. — Oh! bien : aquel y'a bou.

Pierrou. — Moussu Marcel, coussi né sourtiren d'aquel embiol? Cé qué bési dé pus clar, qué tant paouc qué balgo, es encaro aquel diaplès d'empèrur qué tournara, amay beyrés qu'aquelés fols dé Prussiens mé mantsarouou l'estaplado.

M. Marcel. — Qué disès aqui, Pierrou! bous encaro yé tènès an'aquel homé?

Pierrou — Yeou! Moussu Marcel, sé yé ténï boli qu'aqueélo aourelletto m'estouffé.

Célestin, tout siaoût à l'aourello de Louisot. — Lé pourrio b'estouffa sans miraclés, carranoun! qu'un appétit.

M. Marcel. — Per qué dounc parlos atal ?

Pierrou. — La pouou qué néy, moussu Marcel, la pouou qué néy ! Mais fouu un rasounomen. Escoutas aïço : nous cal un goubernomen, pas bertat ?

Toutés. — Oui.

Pierrou. — La Républico counto pas, d'abord qué yé sien et qué disou qué né cal un... Es pas foutudo dé gouberna, la Républico : sé bets bè ! Té layssario crida bibo lou rey ! bibo l'empèrur ! s'èro la maistro ? Sé layssario engarsa coum'aco ?

Marietto. — Oh ! moun ounelé !

Pierrou. — Aqui lou mairo dé Jambés qué quand on yé demando : sien en Républico ? el qué la decourio défendré, el qué la représento dins la coumuno, sé contento dé fa lou rire dal co.

Célestin. — Es un bounapartista lou mairo dé Jambés : toutés lous qué fan atal soun dé traytès qué travailloun en sécret per l'empèrur, lous couneyssen.

Pierrou. — Laysso m'acaba. Aqui lou nostré, qué quitto pas dé demest las soutanos, qué toutsoun plouro mitso per Henri V, « le roi Bourbon ! » Ah ! bougré dé palot ! Et tu crèsès qué ba té supourtario, yeou, tout aco sèri qué la Républico ?

Célesto. — La paouro n'es pas qu'uno fenno !

Pierrou. — Digos pas dé bestisos, Célesto, ey fénit. Douncos es pas un goubernomen la Républico, hé bè ! sé né cal un, cun préné ? Né demoro pas qué dous, lou rey et l'empèrur ; né boulés d'al rey, bous aoutrés ?

Toutés. — Nou !

Célestin. — D'Henricou ? Noun pas !

Pierrou. — Hé bè ! foutré ! alaro caldra bé tourna à l'Empèrur ! Souy uno bestio ou mé crèsés tibat ?

Jambés. — Séra bé prou bertat, lou diaplés !

Célestin. — Allons ! jamais !

Jambés. — Té disî qué si.

Célestin. — Non, non, non !... (Toutès parloun al cop).

Moussu Marcel sé lébo drets per fa bésé qué bôl parla. Toutès s'acaloun.

M. Marcel. — Messius, escoutas-mé un moumen, sibouplait. Coumpréni parfaitomen qué dins las campagnos, siogoun malcutens; et dins las bilos tabés, presque pertout cé mèmés, et pertout tout lé moundé dis coumo bous aous : cal qu'aco fénigo.

Toutès. — Oui, oui, cal qu'aco fénigo.

M. Marcel. — Finira... et finira léou.

Mattiou. — Ah ! tantmîus. Aouren léou un goubernomen ?

M. Marcel. — Oui.

Pierrou. — Et cun séra ?

M. Marcel. — La Républico !

Pierrou, qu'anabo beouré, tournait paousa lé goubélet su la taoulo: Diantrés, mais, s'adiguait, la Républico es pas un goubernomen ?

M. Marcel. — Si, Pierrou, n'es un ! et lou pus fort dé toutès. Es lou pus fort coumo es lou pus tsusté, lou pus rasounaplé et lou miliou pel poplé, c'est-à-diré per toutès lous qué travailloun... Bos qué té probé sè la Républico es un goubernomen fort ? Hé bé ! té direy qué la premieyro qu'atséren en Franco tenguaït testo as Anglèsés, as Autrichiens, as Prussiens et à toutès lous Alémans réunits; lébait d'un cop quatorzé armados et toutès lous battait, toutès lous cassait et your prenguait mayt dé pays qué lous Prussiens n'oun an près à nous aous. Sans counta qu'en mèmé tens, lous rouyalistos s'èroun réboulats et ténian très ou quatre départomens. Lous tournait fa dintra dins

l'ordré, et, atal, trioumphaît dé tout. Tsamay un pays s'éro pas bist tant bas coumo la Franco dins aquel moumen, et tout lé moundé es d'acordi per récouneyssé qué, sans la Républico, n'oun tiraben pas. Dounc, cal pas diré qué la Républico pogué pas essé un goubernomen fort. Caillo bésé sé sé sabio fa oubéi, quoi qué demandesso tout lé moundé ba baylabo, et sé fasio crenta! Mais ray! y'abio dé qué : sito qué calcun la trahissio, yé fasio coupa lou col.

Pierrou. — Trrré! coumo disio l'aoutré, débio pas fayré bou dé sé trufa d'élo. Mais la d'abey moussu sé sap pas fa crenta; per qué!

M. Marcel. — Ba bous boou diré. Sabés qué quand l'empérur sé faguait préné coumo un trayté et un capou, à Sédan, sous partisans dé Paris, sa fenno et lous qué aourian dégut la sousténé, n'atséroun pas rés dé pus pressat que dé fila.

Célestin. — Pardi! Salbéroun yours escuts.

M. Marcel. — Laysséroun la Franso sans goubernomen. Alaro, per l'empatsa dé péri, per téné testo as Prussiens, lés républicains prenguérroun lou goubernomen, et pla qué faguérroun, perce qué sans aco, y'abio pas dé ley en Franso et lou désordré nous aourio perduts.

Mattiou. — Aco sé coumpren, pardi!

Toutés. — Oui, oui!

M. Marcel. — Lous républicains pouidian pas estapli d'aoutré goubernomen qué la Républico, pas bertat?

Mattiou. — Dé sigur!

M. Marcel. — Mais aici cé qu'arribait. Quatré ou cinq mésés après, quand la guerro finissio, sabés qué noumméren lous députats qué formoun encaro la Crambo qué gouberno. Per malhur, s'es troubat qué y'abut fossés députats,

dins la Crambo, qué boullion pas la Républico.

Pierrou. — Ba saben, ba saben, moussu Marcel; ténioou lous uns per l'Empéreur....

M. Marcel. — Fort paouc d'aquéls.

Pierrou. — Ba saben; d'aoutrés pel rey Philippo; d'aoutrés per Henri V, mais qu'un biettasé!...

M. Marcel. — En effet, et, gracios an aco, sé pouguéroun pas entendré per fa un rey. Mais s'entendéroun per boulé pas la Républico à cap dé pret, et, ço pus fort! quoiqué l'at-séssen, sé caprisséroun à sousténé qué l'abien pas. Lous députats royalistos sougairoun lous prumiès à né diré dé mal, à sé trufa d'élo, à fa coumo lou mairo de Jambès. Et lous préfets, qu'éroun cargats dé la défendré, la défendéroun pas, et quand l'insultaboun, lous procururs dé la Républico, qu'aourian dégut mettré lous insoulens en prisou, se tampaboun las aourellous. L'exemplé bénio d'en naout, sé séguissian en bas. Coussi boulés qué lé poplé, témouen dé tout aco, né benguesso pas à perdré tout respect dé la Républico?

Mattiou. — Pardi! Poudio pas ana aoutromen.

M. Marcel. : Et coussi troubas aïso? Dempey un an et miets, lé goubernomen a abut à noumma an uno plasso, suffisio d'essé républicain per qué bous caousiguaisso pas; prénié dé royalistos, ou, mayt qué mayt, dé bounapartistos.

Mattiou. : Aco's aquí cé qu'acabo dé ba gasta.

M. Marcel. — Bous demandi s'aquel moundé, un cop en plasso, sé tsénaboun per descrida la Républico?

Célestin. — Trabailloun à la tounba, pardi! sé bets bé prou.

M. Marcel. — Mais qué, voici : cé qué débio arriba es arribat. Lé Pays a perdut patienso. Lé coumercé, lé trabal, arrestat pertout, s'es

plangut et a dits à la Crambo : « Fasais-nous
« un goubernomen, lou qué bouldrés, mais
« fasais n'un, perqué aco pot pas dura atal. »
Lou Maretsal Mac-Mahon y'a dits la mêmé
caouso, et, à la fi, sé soun mésés en train;
an aquesté moumen mêmés y travailloun.

Jambès. — Faran ré dé bou?

M. Marcel. — Faran la Républico.

Jambès. — Sigur?

M. Marcel. — Pla sigur; podoun pas fa rés pus.
An entsatsat dé faire un rey, n'an pas pougut.

Pierrou. — Et l'empéreur?

M. Marcel. — Oh! per aquel, né boloun pas.
Cal rendré tsustisso à la Crambo aqui dessus;
mais bol pas entendré parla dé tourna ména
d'empéurus.

Pierrou. — Douncos, moussu Marcel, disès
qué sou en tralabal dé fa la Républico? Yé
mettroou lountens?

M. Marcel. — Nani; béléou es fatso an aquesté
moumen; n'espéri pas qué la noubèlo.

Pierrou. — Mais m'apensi qué sé fara respecta
aquesté cop?

M. Marcel. — Souguès tranquillés? Lou qué
la descri dara d'aquest'houro en aban, bo pagara.

Pierrou. — Amay ba cal. Sé cal pas layssa
mesprésa, tsamay, tsamay! Quant calcun fa
l'insoulent, aco's sans part dé yé tusta su l'es-
quino. Appréhandi qué quand la prumieyro
atsait coupat lou col à qualqués uns, lous aoutrés
sé faguérou pas préga pour yé quitta la bounèto.

Marièto. — Jésus-Maria! Moun ounclé, boulés
qué guilloutinen lous qué cridaran: Bibo, lou
rey ou l'empéreur?

Célestin, rien. — Biettasé, moun ounclé,
y'anas pas dé ma morto!

Pierrou. — Pas béléou! pas béléou! Qué
diaplés, laïssas-m'expliqua: Boli pas qué tuoun
digus.

Marièto. — Ah ! à la boun'houro.

Pierrou. — Nou, dé sigur ; mais... un bricou dé sarro-couos, bésés, Marièto, pas trop ; mais un bricounel. Anas, moussu Marcel, acogasto pas.

M. Marcel. — La Répuplico sé défendra sé l'attacoun ou sé l'insultoun, natsés lay ; mais bol pas bersa lou sang dé digus, Pierrou. Soubénézt-boun pla, bol pas dé sang.

Pierrou. — Ba sabi bé, moussu Marcel, mais digas, cal bé riré un bricounel.

Mattiou. — O ! as rasou, moun frèro : Rien et béguen ! Tasto m'aquel 'bi 'blanc et trinquen à la santat dé la Répuplico.

Toutés trinqueroun et coumo paousaboun lous goubélets, un goutsatot de quatorze ans, pla mès, superbé, dintrait soun capel à la ma : Tè ! criçait Marièto ! bostré fil, moussu Marcel !

En [effet, èro el, qu'anait embrassa soun payré et yé rémèttait uno lettro catsétado.

En prenguen la lettro qué sou fil yé pourtabo, moussu Marcel digait : « Es un télégramo, messius ; anan saoupré dé noubèlos dé Paris. » (1)

Penden qué descatsétabo lou papié, Pierrou dignait fà Célesto : n'ey pas tsamay pougut coumpréné coussi diaplés fasioou las lettros per passa per aquélés fials dal télégrapho ?

Célestin. — Ba bous esplicarey ; mais escouten cé qué dis moussu Marcel.

M. Marcel. — Aici cé qué mé mandoun, mous amits : « *La nouvelle constitution a été votée ce soir ; la République est définitivement établie en France !* »

Célestin. — Boun ! boun ! boun ! bibo la Répuplico !

(1) Nos lecteurs nous excuseront d'avoir avancé de 48 jours le vote des lois constitutionnelles.

Mattiou. — Enfin! n'èro pas trop léou! bibo la Républico!

Toutés. — Lé goubélet à la ma : bibo la Républico!

Pierrou. — Espéras! un moumen, sibouplait! n'ey pas rés dins lou beyré, ficré! m'en n'un bricou, Mattiou, pas qu'uno goutto .. prou, prou, prou, qué lou béourio!.... Hé bé! aro, diou-médets! cridarey tant coumo bous aoutrés : bibo la Républico!

Et toutés parlaboun al cop et sé toucaboun la mas et sé félicitaboun.

Mattiou. — B'abès débinat, moussu Marcel; amay toutsoun, dempey quatre ans, abès soustengut qué toumbarion pas la Républico.

M. Marcel. — Ero pas difficillè : sé bésio bé prou qué pourrian pas mettré rés à la plasso. Amen! gracios à dious, aro saouren ount né sien. Aro lé coummercé tournara répréné, tout, lé trabal!

Jambés. — Nostré ségné-ba bolgué; n'aben pla besoun.

Pierrou. — Hé bé! per bésé, moussu Marcel; coussi martsara aro aquélo cousti..... cousti..... sabi pas coussi diaplès b'appélas?

Célestin. — Coustitutiou, moun ouncélé.

Pierrou. — Cous-ti-tu-tiou siogo. N'es pas dé boun diré aquo. Enfin coussi martsara la Républico?

M. Marcel. — Voici : Y'aura d'abord lou présiden dé la Républico, qu'ès abey moussu lou Marétsal Mac-Mahon, ba-s-és per sept ans et cado sept ans, lé presiden sé tournara noumma.

Mattiou. — Mais pourran tourna lé mèmés?

M. Marcel. — Oui.

Mattiou. — Jusquos aro bési pas rés dé cam-biat.

M. Marcel. — En apparenso nou; en fait yen a fort. Mac-Mahon éro bé noummat per sèt ans aban aïço; mais al cap d'aquélès sèt ans, y'abio pas rés pus d'estaplit : éro entendu qu'an aquel moumen, sé décidario sé nous mettrien en Républico ou sé tournarien préne un rey ou l'empérur.

Pierrou. — Badinas?

Célestin. — Nani, badino pas moussu Marcel, et la bertat.

Pierrou. — Coussi ! dins sèt ans débien tourna coumensa dé nous disputa per saoupré cé qu'aourien?

Célestin. — Oui ! et, en attenden, penden aquélès set ans, cado partit abio lé drets dé travailla per el, dé banta lou seou et dé descria lou des aoutrés.

Pierrou. — Anen, t'escouti pas.

Célestin. — Hé bé merci, moun ounclé ! démandas bo à moussu Marcel.

M. Marcel. — Es parfaitomen bertat, Pierrou. Oui, penden sèt ans aourien entendu royalistos et bounapartistos descria la Républico et sé mantsa entr'élès et fourma de proutsets, dé counspiratioues et cado mati la paouro Franso sério estado à sé demanda sé, dins la neyt, calqué couqui l'abio pas counfiscado.

Pierrou. — Mais dious m'é prengué ! érou fats lous qué b'abioou arrenquat aïtal ? Coussi boulés qué rés anguesso ?

Célestin. — Aro boun maynas, moun ounclé ? sièts en rétarde énamoun.

M. Marcel. — Aco's finit, Pierrou. Aro rés pus n'embarrasso. Quand lés sèt ans séran passats, las dos crambos sé réuniran per noumma un aoutré présiden ou rénoumma Mac-Mahon et tout sera finit.

Pierrou. — Et ni bounapartistos ni rouyalis-

tos n'aouroou pas rés à réclama?

M. Marcel. — Pas rés.

Pierrou. — Boun! et d'aïci alaro! pourroou pas travailla per l'empêrur ni pel rey?

M. Marcel. — Lou prumié qué b'ensatsara trapara dé prisou.

Pierrou. — A la boun'houro. Aco mé coumben : yen caldra mettré prou d'escolo, moussu Marcel.

Mattiou. — Mé semblo, moussu Marcel, qu'abets parlat dé dos crambos. N'aben pas qu'uno aro; per qué né mettoun dos?

M. Marcel. — Per prudenco, en cas qué s'uno boulio ana trop bité, l'aoutro la rétengeisso.

Jambés. — Et ray! la qu'aben n'a fait dé tout : y'agut dé moumens qu'abio détsa bésoun dé répréné.

Mattiou. — Sé pot; mais, tabés, sé soun pas d'acordi las dos crambos, coussi anara?

M. Marcel. — Dépen dé nous aous, aco, un paouc.

Mattiou. — Aco's qué las noumaren toutes dos?

M. Marcel. — Séra pas tout-à-fait cé mêmés; mais yé pourren quicon saquéla La crambo das députats, la qu'aben aro, la noummaren coumo aben toutsoun fats.

Pierrou. — Toutés boutaren?

M. Marcel. — Oui; mais per l'aoutro, qué s'appélara lou *Sénat*, sé fara pas la mêmé caouso. Y'aura pas mayt de 400 élettous dins nostré départomen.

Mattiou. — Ah! Et dount les tiraran?

M. Marcel. — Y'aura lés 7 députats dal départomen, les 35 dal coussel tsénéral, lés 41 dal coussel d'arroundissomen et un dé cado coussel municipal.

Pierrou. — Coussi ba disès, moussu Marcel?

Cado coussel municipal y mandara un électou?

M. Marcel. — Oui. Dins cado coumuno, lou coussel sé réunira et né caousira un. Aquel d'aqui sé rendra à Albi ammé lés dé las aoutros coumunos al tsoun fixat, et toutés ensemblé boutaran pès sénateurs.

Mattiou. — Ah! acos à Albi qué sé boutara?

M. Marcel. — Oui.

Mattiou. — Tantés s'en noummara dé sénateurs dins nostré départomen?

M. Marcel. — Dous. Entré tout yen aoura 300.

Pierrou. — Aco's aquélés 300 qué héléou sérou pas d'accordi ammé lous.... Tantés yen aoura dins la crambo das députats?

M. Marcel. — 500 à pu près.

Pierrou. — Hé bé! qué yé pouden fa nous aotrés per qué siougoun d'accordi? ba bési pas trop.

Célestin. — Si bé yeou ba bési : lés cal caousi toutés dal mêmé tros. Cal mettré dé républicains pertout, al Sénat coumo à la crambo das députats.

M. Marcel. — Parfaitomen.

Pierrou. — Mes qué pouguen! pensi bé, pardi! qué mandaren bé prou dé républicains à la crambo das députats, d'abord qué tout lou poplé boto; mais lous dal coussel tsénéral qué boutaran pes sénateurs, bieltasé! n'ey pas boun'idéo.

M. Marcel. — Mais fasais attentiou, Pierrou, qué séran pas qué 35 subré 400, mettès-y sé boulets lés 41 counseillés d'arroundissomen, et lés 7 députats, fa pas tsamay qué 83, countro 317 counseillés municipals, c'est-à-diré pasqu'un countro quatré. Per counséquent séran lés counseillés municipals qué faran l'életsiou dal Sénat.

Mattiou. — Oui, oui, es bertat.

M. Marcel. — Ba coumprénés, Pierrou?

Pierrou. — Pardi sè ba coumpréni! Lous counseillés municipals séroou lous pu forts, amay dé pla. Aco's élés qué farouou l'életsiou..... Mais caldrïo qué s'entendessou et s'entendroou pas.

M. Marcel. — Si fait! aco's aïci qué pouden quicon nous aous. Cadun, dins nostro coumuno, nous cal fa tout cè qué pouyren per qué lou coussel municipal caousigo un républicain per ana à Albi.

Célestin. — Hé, pardi!

M. Marcel. — Sè sè fa pertout atal, sè lé pus grand noumbré es républicain, noummaran dous sénateurs républicains, aco's clar coumo lé tsoun.

Célestin. — Coumprénés, moun ouncélé?

Pierrou. — Hé o! coumpréni, mé ficos! Nous prénés per dé tusto-bouissés à la mountagno! Coumpréni bé prou qué sè pouden coumberti lous coussels municipals à mañda dé bouns républicains à Albi, noummarouou lous qué bouldren; mais lous yé coumbertiren lous coussels?

Mattiou. — Al sigur! rés dé pus facillé apraycis.

Pierrou. — Hé bé! à la mountagno, mé brulou sè ba erési!

Célestin. — Coussi! prendran pas un républicain lés counseillés dé bostro coumuno?

Pierrou. — L'asé té foute! sè yen a pas? Prendroou.... bos qué té digo cal? Lou qué bouldra moussu ritou.

Jambés. — Obb'alaro, prendran un royalisto.

Pierrou. — O! sios sourcié, tu.

M. Marcel. — Hé bé, Pierrou, qué prengoun lés qué bouldran : encaro an aquélés y'a quicon

à your diré : y'a à your fa entendre aïço : « Ah
« ça, escoutas-mé. Boulés l'ordré ou boulés
« lou désordré? Boulés qué pouguen travailla
« et gagna tranquillomen la bido, ou boulets
« qué nous batten? Sé boulets la pats, la tran-
« quillitat, démouren en républico d'abord qué
« sien en républico, serquen pas à né sourti,
« percéqué né sourtiren pas sans uno rébou-
« lutiou. Sé mandats dé royalistos al Sénat,
« sé brouillaran ammé lés républicains dé
« l'aoutro crambo et aqui lou tapatsé. Per coun-
« séquent gardas bous dé manda dé royalistos
« ou dé bounapartistos al Sénat. Siès fats sé
« ba fasais. Dins aquesté moumen, cal pas
« bouta per un royalisto quand sougaisso lé
« pus ounesté das homés, percéqué, encaro un
« cop, mettrio lé désordré en brouillen lou
« Sénat ammé la Crambo. » Aquí cé qué bous
cal diré, Pierrou, as qué bendran à Albi per
noumma lés sénateurs; s'an lé sens coumu,
pourtaran dé républicains.

Mattiou. — Mais aco es maït qué certain. An
perdut lé cap sé fan aoutromen.

Pierrou — Boun! yeou ba coumpréni. Cal
estré despoussédats dé ba boulé tout tourna
mettré dessus detsoust; mais aco's égal farouo
cé qué bouldra moussu ritou.

Jambés — Aco's fort p'racó!

Pierrou. — Ah! paour'èfan!....

Célestin — Sabés qué fario, yeou, moun
ouncélé?

Pierrou. — O, ba sabi : l'escoutarios pas.

Célestin — N'és pas aco, moun ouncélé.
L'anario trouba moussu ritou, yeou, et, dabant
témoins, dabant lé counseillé caousit s'èro pous-
siplé, yé répétario las paraoulos qué ben dé
diré moussu Marcel.

Pierrou — Amay qué t'escoutario, foutral!

Un ritou sé laysso pas rasouna per un impé-rit coumo nous aoutrés.

Célestin. — Hé satrabluro! sé mé boulio pas escouta, prendrio touto la paroïso à témoin qué lé rendi respousaplé dal missant coussel qué ben dé douna. Yé dirio : « moussu ritou, sé biro mal, es bous qué sérès accusat. » Al diaplés, saquéla! Cal bé qué sapioun qué, calqué tsoun, your pourrio estré démandat counté dé s'estré maynat dé cé qué lous régardo pas?

M. Marcel. — Cal pas etsagéra las caousos, Célesto; toutés ba fan pas. Toutés travaïloun pas à toumba la républico. Yen a fossés qué n'an près your partit, percéqué saboun parfaitomen qué la républico fara pas cap dé tort ni à la réletsiou, ni an élés. Es bè pus fort : souy sigur qué tsamay séran pas estats mayt respettats; ba séran bel cop maît qué sé your rey tournabo.

Pierrou. — Et coussi aco, moussu Marcel?

M. Marcel. — Aco's tout simplé : percéqué, ammé la Républico, sé betsen parfaitomen tranquillés quand abian pouou d'estré tracassats, sé tendran dins your mestié dé capèlas; alloc qué sé Henri V tournabo, pourrian pas téné dé sé banta dé l'abé raménat, dé sé creyré maistrés dé tout, dé boulé tout gouberna, et sé farian atïssa dé tout lé moundé.

Mattiou. — Aco, per exemplé, sé pot pla.

M. Marcel. — S'és toutsoun bist atal. Quant la poulitico forço lous ritous à sé téné dins leur gléïzo, tout lé moundé lés aymo et respecto la réletsiou; mais quand la poulitico your permet d'abé l'airé dé ba doumina tout, sé fan détesta dé tout lé moundé et fan accusa la réletsiou. Mais tournen n'aïci : pensi qu'aquesté cop, sé y'a dé ritous qué sercouñ à fa noumma dé sénateurs

royalistos, yen aoura pas gayrés.

Louisot. — Et d'aquélés qué ba counseillaroo, yen aouroou encaro mens d'escoutats.

Jambés. — Mesqué lous escoutés pas enamoun, nous portoun pas péno dins la plano.

M. Marcel. — Acabi cé qu'ey à bous dire : Coumprénès pla cé qué séra lou goubernomen aro : Un présiden qué noummara lés préfets, lés jutgés, lés oufficiès, et qué séra rénoubelat ou rénoummat per las dos Crambos cado sèt ans ; dos Crambos per fa las leys et sé moudéra l'uno l'aoutro ; aqui tout, y'a pas rès dé pus simplé.

Pierrou. — Et aro y'aoura pas pus dé courtisans, ni d'aquélés mantsadouyros qué lous reysés et lous empérurs trigossoun d'arrè élés, troupo dé feignans qué nous cal paga ? Tout aco's foutut ?

M. Marcel. — S'en parlo pas pus dins uno répuplico.

Pierrou. — Riscan pas fort... Moussu Marcel ! touquas aqui !

M. Marcel. — Ammé plase, Pierrou.

Pierrou. — Sabi pas qué bous aben fats, lous paysans, per qué nous counsidérés tant ; mais... Diou mé prengo ! siès lou pus parfait brab'homé qué y'atsé su la terro. Cal qué nous benguéés bésé à la mountagno.

M. Marcel. — Merci, Pierrou : aco sé pot fa.

Pierrou. — Nè beyrés dé tout aqui, Moussu Marcel ! Ténès, tant bal qué ba bous digo : y'a lountens qu'ey fantésié de bous fa entrépréné ammé nostré ritou.

Toutés, rien. — Ah ! per exemplé ! acos aco qué bouldrien entendré.

M. Marcel. — Rafusi pas, Pierrou..... Mesqué Moussu ritou y siogo counsentent.

Pierrou. — Oh ! ba bouldra ; és un sapient !
bous boli mettré toutés dous su la Répuplico.

M. Marcel. — Hé bé ! quant bouldrés.

Célestin. — Ount lou té bési toun ritou ?

Pierrou. — Dé qué bos diré ? Té fisos qué demourara court ? Paour' éfan ! Un dimentsé, à bèspros, parlait très houros en cadieyro.

Louisot. — Pas qu'un' houro un quart, moun payré; y'èro mountat à très houros un quart et né piquabo quatr' et mietso quand bous rébeillèri.

BERNARD LAVERGNE.

